


文帝全書

卷四十一之卷四十三
清靜法要
清靜法程
祿嗣祕訣

清淨法要

八和6
190
21

和 8 門
190 號
21 卷



文帝全書外函卷四十一

目錄

李真人序

克治清靜法要

動靜章第一

誠明章第二

勤恒章第三

倫民章第四

心性章第五

文帝全書

卷四十一

目錄

清寧章第六

人鬼章第七

後跋

清靜法要一卷。清玄李真人授。澂江李玄修傳筆。

李真人

目錄

文帝全書外函卷四十一

文帝全書外函卷四十一

清靜法要序

余九天大法清玄護法真人也。昔由南宮得道。奈根塵未盡掃除。遂被謫於明時。名可不示。由科甲官至長沙太守。後棄職還家。入潯州之西城山。潛修三年而道成。壽五十卒。上朝玉帝。蒙勅為文昌官職。文帝乃授為執籍仙官。因念世人學道。每喜南宮近捷。勤力修持。即獲成真。久或偶過。旋遭降謫。予身歷其境。常甚悲之。乃欲以清靜功夫示人。久存此志而未遂。向奏之文帝。今於

丙午春日。在蟾宮奉文帝詔曰。汝欲示人清靜功夫。其法具在。奈何俗子多迷。深言之而難體。淺言之而又易忽。吾此七章。言簡而該。義精而詳。於道無餘蘊矣。世之子弟。遵而行之。可底於成。汝其降傳之。予欣然聆受。神遊四字。見李玄修金本存等。各具善根。有志於道。因爲之降授。題曰文昌內外克治清靜法要云。蟾宮定祿執籍仙曹李真人序。

文帝全書外面卷四十一

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

內外克治清靜法要

清靜法要七章。清靜第一關頭也。予奉元皇詔。謂衆弟子。多性迷而志怠。且筆錄之學。只引於文字。未免忽夫大道。故以此降示。其中精義無窮。必細

心味之。刻意求之。自有所得。且可以開其心。長其靈。悔悟奮發。身體力行。即可以見己之元神。復已之仙根矣。今恐爾等有未解處。致負帝慈。特竝詮註。以示同志。

動靜章第一

動中靜。靜中動。動復靜。靜復動。動靜合時。靜動無失。無失自成。動靜而何靜之非動。動之非靜。動動靜靜。靜靜動動。靜常靜。動靜其必動靜矣。
動者陽之發。氣之散。剛而柔也。靜者陰之斂。氣之聚。

柔而剛也。動中靜者。徒知動而如水之去而不廻。則無以收其動之機。故必靜而有主焉。所謂陽極生陰也。靜中動者。徒知靜而如水之槁而不靈。則無以養其靜之趣。故必動而有常焉。所謂陰極生陽也。夫視聽言行動也。而復靜以立其體。斯無妄動矣。心齋坐忘。靜也。而復動以達其用。斯能主靜矣。動靜合時者。理與心融。心與理洽。即孔子之不踰矩。孟子之不動心也。無失其動靜。而自成其動靜。則靜焉不遺乎動。動而不違其則。如未嘗動者然。則動亦靜也。動焉必

殆所謂至誠如神者歟。此一章與動靜相表裏。即中庸自誠明自明誠之說。而推言之。以廣其義也。學者於此玩索而有得焉。則思過半矣。

勤恒章第三

恒必勤。勤可恒。恒者勤。勤者恒。恒勤恒即勤。勤恒勤亦恒。恒非勤。亦非恒。勤非恒。即非勤。勤者恒之勤。恒者勤之恒。恒勤勤恒。

恒久也。天地之道。恒久而不已也。勤則敦善行而不怠。君子所以立不易方也。夫有恒者。必有自強之功。

日月以此照。四時以此成。聖人以此而天下化成。故恒則必銳以攻堅。勇若克敵。而能勤矣。克勤者。必有可久之業。知宇宙間事。皆己所當盡。一簣之覆。必成山而後止。九仞之掘。必及泉而後息。而勤可至於恒矣。故恒者常存此心。不致或作或輟。恒未嘗不勤也。勤者實用其力。自覺一息千古。勤未嘗不恒也。果如是之能恒。而又能勤。則恒即謂之為勤也。可勤即謂之為恒也。亦可恒與勤固兩相終始者也。書曰克勤於邦。又曰業廣惟勤。則勤尚矣。恒非勤以繼之。何以

爲恒。易曰。不恒其德。或承之羞。孔子曰。得見有恒者。斯可矣。則恒尚矣。勤非恒以久之。何以爲勤。故勤而後能恒。則勤者恒之勤。而無恒者。不得謂之勤。恒而後能勤。則恒者勤之恒。而不勤者。不得謂之恒。若然。則所謂恒勤。勤恒者。蓋可忽乎哉。此章之旨。以用功言。亦弗能弗措之意。

倫民章第四

倫民。非倫何以有民。非民何以有倫。民者卽倫。倫者卽民。民不外倫。倫不外民。民倫倫民。何民別倫。倫別民。

倫民二字。其理甚精。君臣父子兄弟夫婦朋友。民也。有義有親有序有別有信。倫也。其道最易而實難。堯之爲君。舜之爲臣。文之爲父。武周之爲子。帝君一十七世之修爲。總不過盡此倫民之理耳。非倫何以有民者。倫爲民所同具。苟不在倫中。必不在民中。若民則固倫中人也。非民何以有倫者。民爲倫所由盡。苟不可爲民。則不可爲倫。若倫則固民之性也。是民生於倫。而民者卽倫之民也。倫屬於民。而倫者卽民之倫也。惟民卽倫。倫卽民。則民與倫一。而民卽不外倫。

文帝全書 卷四十一 五
倫與民一。而倫卽不外民。故曰民倫。又曰倫民。重言以決其民必倫。倫必民也。而何民別有倫。倫別有民乎。此章之旨。最爲切要。以體天地之心。盡彝常之理。成已成物。而同歸於道也。求道者宜於此專用其力矣。

心性章第五

無性豈有心。無心豈有性。性中心。性中心。性在心。性在心。性不同名。其實一心性。心性之說。自古詳言之矣。合虛與氣。有性之名。合性

與知覺。有心之名。心統乎性者也。性具乎心者也。性在有。心之前。凡物而不化者。俱屬後天。而性獨居先天。性先心而具。亦卽同心而賦。無性則心不靈也。心爲理之舍。所謂心能盡性。性不知檢其心者。性無爲而心有爲也。性者寂然不動。心者感而遂通。仁義禮知。所以根於心也。性非心中性乎。渾然者性。湛然者心。瞬存息養。所以全其性也。心非性中心乎。蓋性在於心之先。而卽寓於心之內。心出於性之後。而卽在於性之中。雖別名之曰心。名之曰性。然必存心而後

能養性。而養性又必由於存心。是以心非性。而心與性洽。性非心。而性與心融。其實一而已矣。此章於心性。有發前人所未發者。學者其詳察之。而盡明心見性之功。則庶乎其不差矣。

清寧章第六

天清。地寧。清者必寧。寧者必清。常清常清。寧即中生。常寧常寧。清即中存。清。清。清。寧。寧。清。寧。寧。清。自乾坤定位以來。地純陰。凝聚於中。天浮陽。運旋於外。此天地之常體也。天以氣成。日月星辰。莫非氣之

所結。惟其清而上浮也。地以形成。山嶽河海。莫非形之所聚。惟其寧而下凝也。然天氣下降。地道上騰。其確然清虛。與隕然寧一者。又有交泰之義。非清者必寧。寧者必清乎。誠能清而常清。則清清之中。寧自生焉。清則必寧也。誠能寧而常寧。則寧寧之中。清自存焉。寧則必清也。是以清而益清。則自然於清而得寧。寧而益寧。則自然於寧而得清。此清寧寧清。所由與天地合其德也。此一章於克治純全之後。直指其效驗而言。蓋清靜功夫得手時候也。

人鬼章第七

鬼者人之濁。人者鬼之清。人可以爲鬼。鬼可以爲人。人鬼相親。何別人鬼。鬼卽爲人。人必爲鬼。其不爲鬼。必能盡人。其鬼難人。以其墮鬼。卽其墮人。人鬼。鬼人。人人非鬼。鬼鬼非人。

天地間祇一氣之聚散耳。日至而滋息。其合而成質者也。日返而游散。其全而歸焉者也。是故鬼者陰之氣。陰則濁。而人之陽盡。陰純者必爲鬼。人者陽之氣。陽則清。而鬼之陰極。陽生者必爲人。人之濁者降而

爲鬼。則人可以爲鬼矣。鬼之清者生而爲人。則鬼可以爲人矣。有是人。必成乎鬼。有是鬼。必成乎人。是人卽爲鬼之始。鬼卽爲人之終。又何分於彼此乎。夫氣之於人。生而不離。呼吸相通者。皆是也。人生百年。不能不歿而爲鬼。鬼卽爲人。人必爲鬼。非一定之理乎。然人亦有不爲鬼者。仰不愧。俯不忤。以全夫爲人之道。而又能保精固神。默符造化。則可佛可仙。而不爲鬼。鬼可以爲人。而曰難爲人者。何必其鬼之墮者也。方其爲人時。奸刻陰險。背理逆倫。而爲墮落之人。卽

文府全書 卷四十一
為墮落之鬼。必歷萬千劫。始轉人道。故曰難也。又言人鬼。鬼人亦丁寧反覆之意。蓋以人而能盡人。則人且漸超乎凡。尚不止為人矣。而猶為鬼乎。鬼而不能離鬼。則鬼且將滅其迹。尚不得為鬼矣。而猶為人乎。人鬼之分。在一念之間。毫釐之差耳。可不慎哉。此章言道之既成。則可以超人而昇。豈復墮鬼。然所以行上六章者。非人誰能盡乎。使由動靜以始之。誠明以行之。勤恒以力之。倫民以全之。心性以實之。清寧以成之。人鬼以警之。而清靜之道備於是矣。

清靜法要後跋

予聞玄法無窮。大道莫先於靜養。修持多訣。築基必重乎清功。然虛無妙理。雖難體驗。而實修功行。只在勤恒。歷來成仙了道。固有多門。而從古為聖修真。必明心性。欲為超凡之上士。無虞彼岸難登。堪憫淺識之庸夫。多視他途為捷。茲法要七章。實向上者之梯航。而亦即因循者之藥石矣。勉之勉之。共躋聖域。

之冀其醒悟。以徹大道之源。奈根迷學淺。徒泥世俗清靜之說。而不知吾之所謂清靜之理。終未免有落空寂蹊徑。茲錄內有十戒。有功過二格。將存心修身之得失處。一一指出。命學者知所趨從。以躋聖域。吾之所謂清靜道在是矣。今勅爾將吾點出諸章。降示本存。命其抄出。遵爲法程。更圖梓行。用廣傳世。則吾道將賴振興。功非淺鮮矣。特行傳示。吾於本壇諸生中。擇其純敏者。降命傳出。三日卽完。以便復命。不可疑貳叅雜。以致或有差誤。干罪匪輕。桂殿執籍符圖贊。教仙官徐元直示時。

雍正丁未仲春朔日

文帝全書外面卷四十二

古鼎劉廣恕

義陵劉體恕無我彙輯

古淪金本存全訂

古鼎劉悟誠

仁和關 槐柱生校定

內外克治清靜法程

士之一身。窮為鄉里之視效。達為邦國之儀型。不
正其身。何以能治民物。予懼士行之日。身嘆聖學
之漸替。故以闡化一。整儒風。欲整儒風。先端士習。
必有條教。以指行。違茲垂十戒。二格用示。遵守幸
各勉從。共躋聖域。毋自負靈明。
竝幸與吾有此一番良遇也。

十戒

第一戒

非親無以生身。非君無以成己。當盡忠孝以圖報答。不可忤逆。

第二戒

非仁無以居心。非恕無以及衆。當弘胞與以廣利濟。不可殘忍。

第三戒

非誠無以盡心。非信無以孚物。當除浮偽以保天真。不

可欺詐。

第四戒

非禮無以閑身。非義無以正俗。當蹈規矩以由正大。不可怠肆。

第五戒

非廉無以守身。非潔無以立品。當操清白以化痴頑。不可貪污。

第六戒

非寬無以廣德。非嚴無以束躬。當擴度量以勵修持。不

可苛縱。

第七戒

非勤無以精業。非恆無以成務。當思奮勵以期永久。不可作輟。

第八戒

非虛無以集理。非厚無以致福。當存遜順以培元氣。不可浮薄。

第九戒

非沉無以研幾。非默無以凝神。當守寧靜以養冲融。不

可紛擾。

第十戒

非和無以平情。非緩無以善動。當務舒徐以消乖戾。不可躁迫。

二格

吾儒正誼明道之學。原無計於功利。奈世風日下。人非有所慕。則不為也。非有所畏。則不警也。此釋雲谷與袁了凡輩功過格之所由作。雖非大道之要。亦鼓舞修持之苦心也。惜乎格中本未分。終始未辯。遂使後學或目為迂儒之行。將作者初心。盡失之矣。要知吾儒之學。不過即此為善。去惡二端。苟能持格以行之。則心有所檢。而身有所束。又何難欲盡理全而入於聖賢之域乎。今倣其例而

定以存心修身二格竝加註疏使爾等由是而致力焉是亦行遠登高之一助而於大道之要不患不得其門而入矣

存心功格存而身能修者故首存心

以安仁為究竟以主敬為功夫立心真實不欺一事為一功

孔子曰忠信所以進德也真實不欺忠信也有實心方有實行故首揭之

有恆不變一日為十功

恆之一字人所難能實為入德之要人而無恆則百無可為矣故易曰不恆其德或承之羞

敬天一日為一功

存心之功在乎主敬敬則存肆則亡敬肆之間存亡所係即身之修不修所關故聖賢修己帝王出治皆以為主而敬之大者莫如天能敬天則無不敬矣蓋天者何理而已矣理者何心而已矣不悖理不悖理則不欺天故敬天非他敬心而已昔人云對青天而知懼則聞雷霆而不驚誠有味乎其言之矣

敬鬼神一事為一功

鬼神者天地之功用也敬天似不必復言鬼神今人之所畏者莫如鬼神因畏則敬斯生矣要知鬼神與我原非二物鬼神之神靈明即我之靈明也敬吾心斯敬鬼神矣敬天敬鬼神皆指一事而言其實敬之一字聖學所以成始而成終者也有內敬主一無適是也有外敬也齊嚴肅是也喜靜時之敬怒哀樂發而中節是也有一日之

敬終日乾乾夕惕若是也有一息之敬終食不違仁
是也有物物之敬足容重手容恭以及非禮而不視聽
也動是也。可見諸格中千條萬緒總離不得一箇敬
字。若子不敬不為孝。臣不敬不為忠。夫婦不敬不為
有別。兄弟不敬不為親。朋友不敬不為有信。以至
立身。應事。稍有。不敬。鮮有。不敗。者。也。
學者誠由是而用心焉。則近道矣。

靜坐時能默觀心體。或切己自反。隨所疑處體究。每消
一香時為一功。

戒慎恐懼。使物感未至時。此心湛然天理。不少放逸。一
時為一功。

此存養之事也。喜怒哀樂未發時。萬理已具於中。能
存敬畏。不敢或忽。然後靜虛。動直。而通天下之故。若

徒只湛然而無敬畏。以存理
是即落於空寂矣。切宜辨之。

發念時。在在能省察善惡公私。每一念為一功。

發一善念能培養擴充。每一念為十功。

此好善之事也。惻隱羞惡辭讓是非。隨感而見者。人
皆有之。當念即能實用其力。以培養而擴充之。則性
之全體於
是乎在矣。

發一惡念能克治決去。每一念為十功。

此惡惡之事也。凡幽暗之中。細微之事。忽動一念。但
不可與人知。竝不可對天地。細微者皆惡也。惡念紛乘。殆
難枚舉。如媚世。念驕矜。念鄙薄。念嫉妬。念慳吝。念憤
世。念懷怨。念奔競。邀求。念自欺。欺人。念思富貴。功名。
念為善。而希利。希名。念下。至思姦淫。思賭博。思飲食
衣服。思爭訟。鬪罵。思損人。益己。以及思佚遊。邪僻。諸

念能禁遏之俱當為功但大小之際與善有別善則大者加功惡則大者減功何也蓋惡念本吾所不當有者况大惡而可有之乎苟有失檢而大惡忽發於中懷則當慚愧震恐方痛絕之不暇尚敢冀功之有哉

物來順應不以喜怒哀樂動其心一節為一功。

事物之來隨感而應喜不至溢樂不至荒哀不至傷懼不至喪怒不至遷愛不至溺則發皆中節而無過不及之病矣事未來無期待事已去無縈擾則能不動其心矣

無私妄念能使寡思息夢一月為十功。

人能志氣清明自然夢寐無訛程伊川曰人於夢寐顛倒即是心志不定操存不固又朱子謂魂與魄交而成夢心存其間依舊能思慮所以做出夢來若心神安定夢寐亦不致顛倒功夫至此不亦大有可

乎驗

存心過格

存心浮偽一事為一過酌大者

凡事無實心率為欺己欺人之學此其人非惟無成鮮有不敗者也

欺天一事為一過酌大者

凡欺人欺己即是欺天蓋欺天者謂違悖天理也夫己與人與天皆同一理而此理實具於心故無實心者無處無事而非欺天矣凡飾善掩惡之輩總由一念之欺而致推此則凡不誠不敬例以欺天為論大者則酌加其過

慢鬼神一事為一過。

今人所致戒者唾流星指虹霓咒怨天地戲指日月呵風罵雨夜裸吐溺不忌三光北方等事要知此特

或逐馳或昏惰不能戒慎恐懼使此心放而不求一時為一過。

意馬心猿最易緣染操之則存舍之則亡故靜存動察不容一刻或怠程子曰聖賢千言萬語只是欲人將已放之心收之使反復入身來若放而不求則將肆欲妄行而為無忌憚之小人矣

發念不省察善惡公私一念為一過。

發一善念不能培養擴充一念為一過。

善端偶發道心微也不能充之亦終必亡而已故為過慎勿忽之

發一惡念不能克治決去一念為一過。

惡念有大小輕重已詳註功格下矣此則宜按念酌益蓋惡未盡即為善累故勇於好善者必勇於去惡而惡之起於隱微者每不覺潛滋暗長須提起靈明不善即覺已覺即滅使妄想雜念屏除殆盡然後可以見道不然生於其心害於其事其過可勝道哉

喜怒哀樂動其心一節為一過。

喜怒哀樂雖由於心而可喜可怒可哀可樂之理則在於物物來順應而吾廓然大公之體常在所謂靜亦靜動亦靜也若因喜怒哀樂而動其心則心之本體未有不為之汨沒者也故皆為過論

志氣昏惰以致夢寐顛倒一夜為一過。

敬齋云人須使心體湛然在腔子裡譬如主人公在家便能整治家事方是個活主人今爾等不肯用力

操存使志氣昏惰而夢寐自多顛倒
 是誠遊尸耳安得謂之活主人公耶
 右存心是學者徹上徹下功夫夫誠者心之本體故
 首戒自欺敬者是收心實功故次之而其道不外存
 養省察好善去惡故又次之繼以喜怒哀樂驗其用
 之過與不及復將夢寐證其功之純與雜則心無不
 存矣心存則無不正而
 身可修矣故次修身

修身功格

厚待己身為聖為賢戰兢省察不使須臾放逸一日為
 一功。

當天變時倍加恐懼修省一事為一功。
 變化氣質一端為十功。

張子曰為學大益在自求變化氣質又或問程子曰
 凡人語言自然緩時便是氣質是氣質變也學至氣質變時方
 到言語自然緩時便是氣質是氣質變也學至氣質變時方
 是有功可見變化氣質乃是一端也修身第一件功夫凡氣
 質偏處悉當變化的意若只禁制一時算不得變化
 塞源脫胎換骨之意若只禁制一時算不得變化

見善必行知過必改一事為一功。酌益大事

善過非他。是非而已。但於一動一靜存心省察。何者
 為是。是即為善。何者為非。非即為過。出此入彼。不容
 中立。然善過一也。有似重而實輕。似過出此入彼。不容
 本大而反小。本小而實大者。有本可為善而反為過
 本可為過而反為善者
 用力於此。當自知之。

勤理正務。不虛度光陰。一日為一功。

士農工商各有正務。不專指讀書而言。

作事勤敏周詳。小心慎密。一事為一功。以義自守。不與雜事。不涉奔競。一日為一功。

雜事如說事過錢。閒居營利。扛幫詞訟。匍匐公庭之類。奔競如濫刺投謁。干迎權要。交結衙役。鑽營當路之類。先儒云。做秀才當如處子。勵廉恥。敦操行。絕迹公庭。淡視勢利。不然貧賤時。既無清操。安望異日為大丈夫乎。斯誠名論。

凡遇一切名位財利等事。能安分聽天。不負緣營謀。俱一事為十功。

凡遇失意及諸患難。不怨天尤人。一事為十功。若能反己自責。一事為二功。

剛介自持。不為曲從。一事為十功。

敬老慈幼。親愛眾人。禮接賓客。一事為一功。

祝頌朝廷太平。一事為一功。

尊敬官長。一事為一功。

親信一正人。斥遠一邪人。俱為十功。

兩人字。俱係泛指。與朋友格異。

有恩必報。一事為五功。

大者酌加其功。若壞公報私者。非功。

有仇能解。一事為十功。若君父大仇。不在此例。

推誠待物。引過讓善。俱一事為十功。大者酌益其功。

寬厚處事。推己及物。一事為一功。

夫恕己責人。損人利己者。總是不能將心比心。故於恕道有味耳。誠能恕以行之。則人我兩得。便有天地萬物一體氣象。

不妄毀譽。好惡眾好必察。眾惡必察。及所惡人不沒其

善。所好人能知其惡。一事為三功。大者酌益。

受侮不較。受橫不嗔。受謗不辯。一一能反。自責自修。以

德感化。一事為二十功。

言語當快意時。截然能忍默得。意氣當發揚時。翕然能收斂得。忿怒嗜慾當騰沸時。廓然能消化得。境遇

當困迫時。怡然能守耐得。都是從難處能忍。方見勇決。故必從強制中來。到得恆久。理熟義精。自然涉境便化。

不視邪色。不聽邪聲。俱一節為一功。

邪色邪聲。如見美女不畱盼。不聽淫詞亂樂等類。

於諸色聲香味。及一切玩好之物。目前染著。能自克除。

每一節為一功。

修辭立誠。非法不為。一節為一功。

慎言語。所以養德也。不多言。不苟言。不妄言。不虛言。以至述古。聖先賢法言。勸勉下學。皆功也。若發言造福於人。功難槩定。當量言而酌益之。

動容周旋中禮一事為一功。

中禮如足容重。手容恭。目容端。口容止。聲容靜。頭容直。氣容肅。立容正。色容溫。而莊坐不箕。踞臥不如尸。體不裸。露之類。威儀者。德之符。學者所當務也。

起居有常一日為一功。

夙興夜寐。此其常也。讀書有課。亦謂之常。

不往非處一次為三功。

非處。娼家賭局。戲館酒肆。及逸遊宴樂之所。或自往。或損友招往。俱當視為畏塗。瞿然禁止。

女子私奔相就守正不淫為三百功。寡婦尼僧為二百

功。良家婦為百功。妓女為五十功。

以上必機會偶逢。而守正不亂者。方得為功。若或有所阻。而不能就者。非功。蓋邪緣外合。滅德喪心。固宜警戒。至於夫婦之道。雖人生所不能廢者。亦必有節。不可過縱。蓋此心一肆。百善俱忘。德業所關。時須加謹。非徒養生守戒之說也。

飲食不嫌薄惡一次為一功。

試看盤中餐粒粒皆辛苦。今人務求精美。備陳水陸。爭尚奢侈。不知放筋之後。百味皆空。膏粱藜藿。均同飽。尚無暇於求。而薄惡豈可嫌哉。

衣服布素一衣為一功。服破而能補者倍論。

古云。一寸之絲。千蠶之命。今人下體濫用絲帛。小兒遍身錦繡。女子巧飾奇妝。婢妾寶釵羅綺。家人華服。光帽梨園。雜色人等。服擬王侯。綬綾錦視作泛常。不思何福能消受。此僭越之愆。冥必加報。

不擇美居。不治精器。俱為三功。

嫁娶宴會循禮。不隨俗尚糜費。一事為十功。

能感化奢者從儉。十家為百功。

自飲食不嫌薄惡以下。俱指有力而能惜愛物力者言。若力本不及。故為貶損。以干譽者。不得為功。

富貴人甘澹泊。惜福以行施濟。一日為一功。

富貴奢後。閨門為甚。若能澹泊。只衣食二字。不知造多少福澤。畱多少有。餘不盡。然世亦有鄙嗇而故行澹泊者。非功。黃含仲嘗曰。人無壽夭。祿盡則死。是以一生財祿。皆有定數。服用之際。豈宜過享。譬如人有千錢。一日用盡。明日則無半文。若日用一百。則可至十日。且儉之一字。不止惜福。即為吾儒入德之要。昔大禹至聖。其懋德處。只在克儉於家。如太甲之欲敗度。

縱敗禮。亦不過以驕奢失之耳。故伊尹誠之曰。慎乃儉德。惟懷永圖。歷觀古帝王。無不以躬行節儉而興。以奢華靡麗而亡。况士庶之家。乎。每見單寒之士。日食艱難。從困苦中發達者。甚多。富貴之家。享用已極。一旦父兄失勢。舊日綺紈。後麗子弟。到此不覺痴酸。悽愴。一無所堪。甚至衣敝食缺。奢華性格。仍在。其苦倍甚於常人。故狼狽。有不可勝言者。然則世之欲成已德。欲訓子孫者。豈可以儉為小節。而忽之乎。

富貴人。不以財力相矜。每事循禮。一事為一功。

大者酌益。

貧賤人。安心茹苦。不怨不貪。一日為一功。

困窮不諂。一事為五功。

修身過格。無志立身。流浪暴棄。為天地間罪人。一日為一過。

當天變。不知敬懼。作歡呼事。一次為二十過。

當事變。無通融。臨大節。鮮執守。一事為五十過。

此不獨敗聲名而已。在家則禍家。在國則病國。其五十過。僅約言之耳。尤當量事酌益。

知過不改。一事為一過。

有過不認。反爭為是。對平交為二過。父母師長為十過。

大事酌益

作事麓疎怠惰。一事為一過。大事酌益

作無益事。及廢業閒遊。虛度光陰。一日為五過。大事酌益

不修操行。濫與雜事。隨俗奔競。及一切名位財利等。夤

緣營謀。惟求必得。不顧非義。俱一事為十過。

遇失利及諸患難。動輒怨天尤人。一事為三過。

阿奉曲從。一事為一過。大事酌加

以私意妄談國政。及非議官長。一事為五過。

侮老欺幼。傲忽眾人。慢待賓客。一次為一過。

厭惡一正人。狎昵一邪人。俱為二十過。

有恩忘報。一事為五過。大恩酌益

小怨必報。一事為三過。報怨過分為十過。致死者為百

過。

欺偽億逆。及善歸己罪歸人。俱一事為一過。酌大者

苛刻待人。吹毛求疵。及處事顧己不顧人。如先私後公。

揀美推惡。任易讓難。以至己逸人勞。己厚人薄之類。俱

一事為一過。

毀譽不真。一事為一過。隨事酌益 註見前

招毀取謗。一事為一過。不自反責。輒生嗔憾。一事為二

過。甚之強狠剛愎。氣質陵人。一事為十過。

喜視邪色。喜聽邪聲。一事為三十過。

邪色邪聲。視之聽之。固以為過。而此喜字病根尤大。故重使之知所警。而力以去之也。

偷發人書札。一次為五過。

於諸色聲香味。及一切玩好之物。貪戀染著。不能克除。

一節為一過。

言不忠信。失口於人。一節為一過。

傷煩詖淫邪。以至勦說雷同。便佞詔諛。誇張欺偽。稱人惡毀人善。引喻不倫。抑揚失實。謔浪嬉戲。譏刺詈

罵及編歌造謠之類。皆不忠信之過。而失口在其

動容周旋。輕浮傲惰。不中乎禮。一節為一過。

如足容不重。或趨或蹶。手容不恭。擎拳攘臂。目容不

端。偷視邪視。視及非禮。口容不止。言不由衷。傷易傷

文帝全書

卷四三

清靜法程

古

莊遠色作色。強顏呈媚。坐不如尸。箕踞交股。立不如齊。跛倚履闕。以至對天地日月。聖賢鬼神。裸露涕吐。呼盧六博之類。皆不謹之過也。爾等視身細故。未習慣焉。恬不知怪。而藐之忽之。不知檢束身心。必先從此數事。做去。一怪。而藐之忽之。不知檢束身心。必先從德之盛也。故曰。細行不謹。終累大德。可不戒哉。

起居無常。一日為一過。

如晏起。早臥。晝處內室之類。則志氣昏惰。教無所施矣。

非禮徵逐。一處為三過。

非禮處。不獨妓家酒肆。戲館賭場。凡為損友所挾。輕出遨遊。野觀閒玩。皆是。若有治具。特邀除。係冠婚喜事。及歲時。燕會外。當先託故。早辭。若臨時謝却。致人妄殺。虛費。亦當論過。

淫良家婦。一人為百過。若室女。尼僧。寡婦。俱一人為二

百過。宿娼比頑。為十過。不係邪淫。而非其地。非其時者。為五過。

見色美起心私之。為一過。如關親戚名分者。自有律究。此不具論。

人情之所易動者。莫如美色。其足以敗德取禍者。亦莫甚於色。孔子曰。少之時。戒之在色。孟子曰。養心莫善於寡慾。蘇眉山曰。傷生之事。非一而好色者必死。是雖妻妾之正。猶恐不知其節。而致髓竭精枯。委大命於紅顏。况可赴桑間陌上之約。蹈鑽穴踰牆之行。犯上帝之震怒。陷不赦之罪。愆耶侃言。陰律云。姦人妻者。得絕嗣報。姦人室女者。得子孫淫泆報。世有忠厚善人。而身後不昌。才士文人。而終身潦倒者。其病由此。歷觀古來。淫邪報應。關係終身。功各者。亦何可以終身。爽。即無論為聖為賢。苟有志功各者。亦何可以終身。

之祿位各壽而斷送於俄頃之歡娛也况語云淫近
 殺試看身首異處其慘甚烈又不止暗削科名已矣
 而犯者不旋踵其獨何心而然哉總緣不知檢束以
 致情熱於中不能禁遏間有強制旋制旋萌是以甘
 九死而不辭也愚夫俗子固無足論而業吾儒者知
 禮義而恬然自若亦往蹈此穢行隕生喪命拋父母棄
 關最難打破昔人有垂戒曰耶美色人愛皇天不可
 欺我去淫人婦人來淫我妻赫哉斯語誦之悚然人
 能常憶誦此語則起心動念之間自知檢攝凡見他
 美色時當作見已妻女頓息矣然必欲私之於獨
 私我妻女想則邪念頓息矣然必欲私之於獨
 處毅決之於邂逅庶乎此戒可守矣奈何舉世艷
 詞小說導淫之書滅絕彝倫瀆亂人紀使天下後生
 小子沉酣於鑽窺蕩洗而不知返殊堪痛憾是又在
 司風教者嚴於禁革而為父兄者投之水火則庶乎
 源可塞而返矣

不節慾為二十過隕生乏嗣者重論

天地細縷男女構精聖人不教人絕慾而教人節慾
 蓋寡慾則延嗣延生兩得之矣若縱恣過度廣置姬
 妾耽臥娼家又多寵陰陽不分晝夜早晚耗精散
 氣厄羸多病與死為期昔人比於甘餐毒藥而戲猛
 獸之爪牙良為痛切且凡人精足則神足神足則智
 慧生聰明強固將何所為而不成有志之士尤當念
 此若少年斲喪壯年應剛不剛英氣頹
 阻一世之事去矣追悔無及可不惜哉

食物無節至於貪餐飲酒無度至於亂性一次為一過

罵坐加論

酒以成禮合歡不禁人飲但須有度無度則醉喪德
 失儀悖禮亂行雖素號循謹者或猶不免蓋其血氣
 忿盈心瞻麓壯淫殺皆所可為醒後未必不悔雖悔
 何追甚至有傷腸胃臍因之成疾而死者故四戒

以酒為第一。而古人斥為禍。泉指為狂藥。其寓意深矣。

過分美食。一日為一過。惟奉養父母非過。

過分美衣。一衣為一過。服奇志淫。一衣為十過。若力本

不足。強華侈者加論。

推此。凡一飲食一服御。稍踰本分。皆宜例論。中庸云。君子素其位而行。誠至言至教也。

好美宮室。精器用。為十過。此又須隨大小多寡酌益。

嫁娶宴會。隨俗奢侈。每一事為十過。越理犯分者倍論。

富貴人享用過豐。不思惜福。一日為一過。

矜恃財力。不知循禮。一事為一過。大事酌益

貧賤人覬圖非分。怨澹泊。貪奢侈。一日為一過。

困窮失守。一事為一過。大事酌益

人生所最難裁制者。莫如財色。兩途故一篇中三致意焉。程子曰。慾心一萌。當思禮義以勝之。上蔡曰。色慾已斷。二十餘年矣。又問於勢利。何如。曰。打透此關。十餘年矣。可見先儒只從一二要害關頭識得。破做。得徹。便可隨事打透。人果能真實不淫。真實不貪。則邪念消而天理見。道心存。將視聽言動無往不合乎禮而身自修矣。

文帝全書 卷四三
二
仙人鬼。生死爵祿。定分通籍。爲天下之所尊崇焉。然其顯幽闡微之所自者。元始浩劫至聖。於金闕玉房。傳之於玉宸道君。道君授之於太上。聘翁次傳紫微帝君。文始先生。河上丈人。黃石公。樂臣公。太乙元君。聖祖軒皇。嗣於帝堯大舜。以迄神禹。周益。劉月。孫上經。彭太極。鄧元。劉誼。劉洞真。王遠。彭曉。劉希岳。蘭公翹。彭德。張亞。復授於劉安勝。陶弘景。松靈仙人。秦杜弼。臧立靜。孟安期。孟智。周寶畧。褚柔。李播。劉進。喜。宋文明。胡超。尹文操。韋錄。王立辨。尹愔。徐邈。何思遠。薛季昌。王鞬。趙志賢。車。

惠弼。李榮。黎元興。張惠超。龔法師。任太立。申甫。張道相。成立英。符少明。藍公安。邱望逸。程韶。王尙。李允願。陳嗣古。馮廓。立景先生。楊上器。韓杜。賈大隱。薛閻。赭圻山人。吳涵虛。黃雷囷。古淵字邢南和。白履忠。陸德明。陳庭玉。吳善經。李含光。黃立契。崔立默。余立靜。化此五十四家。以宣斯教。皆歷代口口相傳。俱入上品。故其事所重者。先於人之繁衍。續繼。次於科甲爵秩。然後定生死壽夭。其間皆天書雲篆。祈祭預應。趨向之奧。故授者聞者。嗣緒且昌。天祿且永。益算且備矣。中有九品九司三祿三貴。

三賢之級。竝應兆襲祥禳咒之祕。天機週垣甲子之屬。育神定性運化之良。玉文妙篆紫氣之文。祈祭通誠報白之法。老夫聞之於玉蟾老師。蓋昔授之於立景先生也。仙家不忍世之不嗣於善。不祿於賢。故撰此以授於仁孝忠厚者。乙巳之七月庚申日。黃道躔於東壁。丹陽吳子箕。頗忠厚仁孝。以嗣祿之旨。干於老夫。老夫足成此書。白之於元皇道君。得允旨。遂啟文昌雲錦之囊。太微紫陽之笈。故泄斯文以壽人世。必擇賢而付。擇善而授。得之者固於封牘。此非天劫大開。立章豈得而聞耶。

勿妄爲宋人之石鸞可也。三生石上。兩會津頭。同志者尙當益勵進修以圖遐舉也。故爲紀之。太和冲一真君萬安國撰

文帝全書外函卷四十三

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐桂生校定

文昌開化祿嗣祕訣

南斗文昌三元司祿定貴進賢三科九品全格

天祿科

上品紫微天仙之官。 中品太微真仙之官。 下品少

微神仙之官

人祿科

上品王公卿侯之爵。

中品方伯監牧之爵。

下品百

官散秩之爵。

幽祿科

上品嶽府名山之屬。

中品鄴都祀典之屬。

下品扶

桑水國之屬。

上貴科

上品孝行之貴。

中品忠節之貴。

下品陰德之貴。

中貴科

上品仁慈之貴。

中品廉義之貴。

下品名行之貴。

下貴科

上品賢達之貴。

中品祖德之貴。

下品文學之貴。

上賢科

上品存孝之賢。

中品存忠之賢。

下品存仁之賢。

中賢科

上品廉義之賢。

中品禮法之賢。

下品智度之賢。

下賢科

上品布施之賢。 中品修濟之賢。 下品教導之賢。

祈祿之訣

祈祭者以二月三日繪事文昌像於淨庭。遇立春立
秋立冬三節之中卯日是躔天上文曲之司。心齋秉
誠危坐。筭六經於香案。辰砂篆元綱。演化文儲。佐定
祿符。焚文香。鑪焚符服之。誦咒曰。

紫陽開玉笈。元始出金章。洞闕青華府。昭明太乙光。蒼
晶回七宿。萬氣贊文昌。頡明顛佐命。通濟永無疆。九華
敷妙應。太乙輔丹光。開化明天子。靈光灼至賢。帝心符

寶美神性合龍編。會集中和景。斯文保大全。紫陽敷太
昊。華質自資深。月母生天后。玄天益帝心。太真歌舞翮。
牝牡合玄陰。大道由昌盛。彤霓布八絃。玄一弘元始。靈
通太妙神。文章翊宏運。啟我鎮虛靈。會合生神秀。英姿
與日新。調和叅大化。通靖輔天人。急急如至聖。神人律
令。書符焚符服符俱念此咒。不拘遍數以多念為佳。

祈祭者依節精心九拜。然後焚文服符。誦咒默禱。立
春立秋立冬須見丁卯癸卯二日為文曲天皇。其餘
四卯不用。外逢辛未丙子庚辰乙酉己丑甲午戊戌

丁未壬子丙辰辛酉。不逢月建月破。皆可行之。如此行持。其神識自然入於文昌。得以編錄進取。慎勿視為詭誕。而謂富貴自有定數。為不足信而自棄也。如此積久。但遇前開二卯辛未等日。及庚申甲子五臘之辰。每夕服應夢攝天之文。澄心以寢。待其有兆合格。此為文昌之捷報。不可預想。不可泄談。必不應也。每遇三元八節元神之日。可命正一道士於樓觀隨力建醮以謝之。

齋期

遇期先夜沐浴。獨處正心。次早禮斗焚符誦咒持齋。

正月一日天臘 正月九日天誕 正月十五上元
 二月三日文祖 三月三日法主 四月十四呂祖
 五月五日地臘 六月六日南斗 七月七日道德臘
 七月十五中元 九月九日北斗 十月一日民歲臘
 十月十五下元 十二月八日王侯臘 每月初一十五二十八凡遇庚申甲子及本命之辰

九科應夢之圖

法斬五虎

如仗劍逐虎而斬之是也。

斬五虎應天祿上品 斬三虎應中品 斬一虎應下品

怒擊三人如三人侮我不覺持笏擊之是也

擊三人應人祿上品擊二人應中品擊一人應下品

大鬼逢迎如為鬼逐是也隨機應變

厲鬼應幽祿上品大鬼應中品小鬼應下品

羽翼排空如夢生羽翼之類是也

飛凌上天應上貴上品凌虛應中品拂地應下品

玉貓應瑞如夢貓是也須要白者

坐貓應中貴上品行貓應中品貓彷彿應下品

白馬出奇如夢馬是也但要合色

乘白馬應下貴上品牽馬應中品見馬應下品

黃鹿銜芝如為人相贈畋獵皆是

養鹿應上賢上品得鹿應中品見鹿應下品

黃牛應兆如自躬耕稼穡之類皆是

得牛應中賢上品逐牛應中品見牛應下品


黑犬吠人如入人家或羣犬圍吠皆是

被犬吠應下賢上品得犬應中品見犬應下品



右九科應夢之圖須貴不思而得

演化文式用槐黃紙一幅周尺長二尺高一尺二寸楷書以焚之其符篆硃書文用墨書

南斗文昌元綱演化之文




戌亥天之祖 辰戌是魁罡 變化真人身
 內外無隱藏 中有秘密處 上下無定名




右南斗文昌東壁圖書府七曲元皇道君元綱演化之
 文請為某啟達上清龍羅玄鸞之臺宣告斯文端冀某
 玄氣降神文華清秀才識通明心光自然道學融會孔
 脈昭著塵障不墜瑕疾不干某保守元陽常歸玄牝願

儲佐定祿之符



用青紙。辰砂書。寬三寸。高七寸。以焚服之。須要端楷。

攝天文式



用丹紙墨書。寬二寸半。高二寸半。若能丁甲日。以檀板刻印。印丹紙上。尤佳。

祈祭報白之法

聖前用羹湯棗湯薑湯。樵飴飴食。時菓羊肝。脯醢華蟲。黍米玄酒。甘泉松葉之類可也。必精潔減少。不在繁盛。

文帝全書 卷四三
香燈隨時。最忌褻翫。凡儒學之士。先知保真。行者無不應響。此非不經之理。乃上士高人立言奧論。須擇有德。方可授之。

祈祿祝文

維年月朔日甲子。某府縣學某。敢以立香潔豆時物。清泉頓首致誠。拜籲於元皇張帝君曰。維皇德備八元。立斯文之主宰。功垂三教。總至化之樞機。賢書早達於薇垣。雲蒸七曲。祿籍先傳於桂府。日麗三台。雖各器不輕以假人。而栽培亦因之篤物。某技笑屠龍。漫操鉛刀。而

思割材慚附驥。敢遵王路以飛黃。未膺黼黻之榮。徒羨寶興之典。伏願紫陽玉笈。翊昌運於靈臺。元始金章。布形霓於太昊。祿位雖存乎數。天人相感如神。乞昭中夜東升之光。冀得上陽立關之惠。寸誠可感。萬念俱融。一志凝神。靜俟昭格。不勝悚切之至。

夜臥祈兆之法

凝神靜定。坐久方臥。勿思外物。勿思夢徵。守此心於神室。不起一念。久久自睡熟。今冬無兆。來科下名。不可廢行。必積久以待。不但夢兆。或夜起晝行。彷彿光怪人言。

合讖。家人代夢皆是。皆要合前格為應。得者勿談。

應夢攝天玉文。如刻就印以吞服。不可對人言。如此行之。則神契文昌。德合仙聖。為之合天式。自然定祿。定貴定賢。上下之級。自知驗矣。大要修行養心。非智士不授。勿視為邀鬼淫祀。以求福利之典。慎之慎之。南斗文昌嗣祿嗣貴嗣賢三科九品全格。

嗣祿科

上品仙聖之男。 中品王侯之男。 下品官爵之男。

嗣貴科

上品孝行之男。 中品仁慈之男。 下品賢達之男。

嗣賢科

上品孝友之男。 中品禮義之男。 下品奉法之男。

其餘善善惡惡者。自然生死報應。係於鄮都。生育出於尋常。不得入此開化品格。

祈嗣之訣

祈祭者以二月三日繪事文昌像。立春立秋立冬節後。依前日期。秉誠危坐。篆鳳華金簡之文。蒼天育神之符。混元胞胎之符。焚其玉文。男服育神。女服胞胎。誦咒九遍。方書符咒曰。

大洞迴風振。龍威六氣宮。紫陽敷玉策。定貴下三元。屏
斥妖魔障。開明正性根。靈胎從此結。仁壽永無窮。建輝
凝八野。景策輔中皇。丹田舒靈氣。雲華協智光。歌盧剪
鬼妖。精血合純陽。世家資此立。保命得弘昌。北號名幽
幽。文豪枕太霄。上天開太極。聖母錫靈苗。元父生育好。
衛房歌大謠。九龍宣桂籍。妙體出玄胞。變羨崑崙頂。二
神覆北艷。瑯霄專主宰。闔闢始成功。大洞陽符質。溟玄
陰火工。膠修流梵炁。百歲付飛熊。急急如靈父聖母胞
胎一氣天君律令。

精勤叩齒。灑淨九拜。焚祝文。然後焚符文。又咒九遍。
然後服符。誠動文昌。得編此格。此為數窮者設。故必
求仁壽之男。非比定名艷都。不祈自繁之類也。種子
後庚申甲子日夕。誦咒九遍。祝梵攝天玉文。以俟徵
兆。必要合夢格。凡三元節令。如上醮謝。三元五臘
等日見前

九品應夢之圖

- 日月垂光應上祿
- 玉印出匣應中祿
- 桃李呈實應下祿
- 景星覆懷應上賢
- 貴人入室應中賢
- 珠玉爭輝應下賢

石麟金馬應上貴 龍蛇附體應中貴

劍剖腹肋應下貴

右九品應夢之圖貴在不思而得。

南斗文昌鳳華金簡之文

護身氣功九炁丹屬之靈丹

靈丹

混元父母 天地同根 胞胎骨肉
一氣分真 靈光下降 正性長存


右南斗文昌東壁圖書府。七曲元皇道君鳳華金簡之文。請為某啟達文昌九光鳳華之闕。宣告斯文。端冀某真氣固身。積罪解脫。夙生有礙。咸令消磨。流注道氣。凝結胞胎。千五百絕種之鬼。悉令勦除。萬二千護生之神。

咸來宗主。俾妻某丁甲衛守。氣血通和。心力澄清。慶源流行。乃子乃孫。以嗣以續。誓勤修奉。蚤叶禎麻。急急如元皇上帝律令。

某年某月某日某謹錄告行


符文尺寸及尾後功曹單式紙色尺寸亦俱
同前但改元綱演化四字為鳳華金簡也

蒼天育神之符



紙色
尺寸
同上

混元胞胎之符



紙色
尺寸
同上

攝天玉文篆刻同上祈祭陳設俱同祈祿

祈嗣祝文

維年月朔日甲子。某府縣學某。敢以玄香潔豆。時物清
泉。頓首致誠。拜籲於元皇張帝君曰。維皇混元真宰。弘
敷煦嫗之仁。造化綱維。廣闡鈞陶之教。飛赤虹於華渚。
珠吐懸弧。降玄鳥於高禩。嶽涵繡韜。祥光囂戶。迓天上
之石麟。瑞靄騰空。投懷中之玉燕。瓊環衍慶。南斗鍾英。
某鳳卜有年。曾視明星於鳧鴈。鹿車共挽。何嘗叶夢於
熊羆。無子克家。恐餒若敖之鬼。有天可表。還期伯道之

兒。茲者仗雲篆以祈靈。特遵明訓。潔冰觴而默禱。仰格
天聰。允垂似續洪慈。顯示圭璋佳兆。叨承世派。決此玄
科。不勝悚切之至。

夜臥祈兆之法如前

種子有期有忌

不荒不淫。不暴不忿。不勞不悴。此是上智。且如男二十
五爲陽數。女二十五亦陽數。却用正三五九十一月爲
種期。如男二十六。女亦二十六。是爲陰數。亦用正三五
九十一月爲期。如男二十五。女二十六。男二十六。女二

十五皆用二十四十二月爲期。此是陰陽卦數。餘六七八月謂之刑伏。氣弱者須保固之。月信後以一日爲陽。次日爲陰。再日爲陽。時候亦然。不論一三五九。定日爲拘也。如朔望弦晦。本命甲子。每月二十八日。竝三元五臘一切令節之辰。迅雷烈風。猛雨日月薄蝕。皆宜大避。

演撰祿嗣祕訣告成奏請允表

蓬萊第二洞。至真闡微達妙仙人。領各洞天福地仙籍。清虛道院。赤陽宣教太和冲一真人。臣萬安國。誠惶誠恐。稽首頓首。百拜上言。伏以天藻雲葩。燦光明於千丈。

鈞音檀熾。啟昌運於萬方。圖演羲皇。闡月窟天根之奧。珠垂蒼頡。吐神驚鬼哭之奇。七曲昭宣。百靈萃止。恭惟金闕洞照。通真先生。九天開化。主宰七曲靈應。大帝文昌。上仙元皇道君。玉墀下潛。孚造化中。涵太極之氤氳。跡遁靈巖。仰視天文之煥爛。誦典墳而傳縑素。德耀蘧廬。舉椎結以易衣冠。形歸法乳。君山三酌。玉壺不肯藏春。劍閣五丁。法象因而貫頂。金牛雲棧。抗章疏則直諫。屢行。蜿蜒岷江。役神兵則狂波先障。鷲峯證果。忽驚紺髮。浮空。鰲岫修真。頓使金蓮貼地。凡此百千萬種功德。

文苑全書 卷之三
變合咸配乎陰陽。卽如九十七化行藏。勛業悉由於孝友。竊念臣東吳往拙。西益故愚。技學屠龍。明知與世無補。遊堪侶鶴。竊幸於仙有緣。得承丹詔之來。遂假黃石而去。登崑嶷而越滄海。兩腋風生。叫閶闔而謁靈霄。雙鳧雲起。履天臨地。無非念念需人。解道升玄。自必多。多益善。啟東華之正脈。講中極之奧章。久傳太乙之微。雷從震發。又識關元之祕。月自巽萌。氣錫太和。名成冲一。曩立景先生授玉蟾之外術。謂元皇君主專天馬之禎祥。言修德者可以祈祿保嗣。入科品者方能進賢定貴。

敢仗先賢轍迹。勉爲後輩階梯。臣志本玉成。豈圖瓊報。近者宛都故譜。鬢屋雋儒。吳箕半生無進取。未點朱頭。四紀不宜男。難逢玉骨。敬披肝胆。蒙瀆再三。鴨爐焚雞舌。以拂藍波。鳳笈按麟文。而飛錦篆。因以誠來善應。不妨語出福隨。臣欲遺愛於人間。將壽行於天下。旣鎖琴心之橐。疆飾鼎足之紋。敬用步虛。仰哀清肯。冀望神風吹地。紫氣結真。妙澤靈寰。青編如意。甘泉墨掃。看妙鳳之垂五雲。夏口甕開。知神駒之下千里。龍沙之薦。不負青烏之流精。鶴書之來。願納玄螭之妄鼓。使仙緘見驗。

文苑全書 卷四三
道教丕張。至德至仁。衍繁衍慶。華冠重璽。皆知鍊石之
可宗。蓬海壺邱。迭應餐霞之多選。苟片言而獲售。顧大
罪其奚辭。臣安國謹以文昌玉府。元綱演化。鳳華金簡
之文。紫陽玉匱之章。蒼天混元定祿之符。竝科品之格。
祈鍊之訣。應兆之圖。編緒爲帙。未敢自擅。隨錄表文。上
達以聞。伏候來旨。乙巳太歲令中元日謹具表

元皇批答

子以蘊才積德。中叨天祿。與奪之柄。將有子歸。何過謙
耶。元綱之機。擇善而泄。不可太泛。當囑授事者。緘三金
口也。速命建功。執節大將軍。往察授教者之祖功。宗德
以爲定進。監生衛靈大將軍。發冊編誠。以爲給嗣。書可
壽世子其諒焉。

